


附錄



書名 宗子相集十四卷 嘉靖三十九年序刊本
 撰者 明 宗臣 撰
 卷 附錄
 內容分類 集- 別集- 明中葉
 索書號 集部- 別集- 7- 104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅


藩赴閩取道兩越始登厥臺徘徊焉

商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

所究研京東院學化文方東
No. 1708









附錄

五子述

姑蘇俞允文

山東李于鱗憲別名攀龍為文刻意尚古不樂
貴任一曰輒自稱病免出杜門自脩不詭于
時有耿介之操

吳興徐子與太守名中行夷度醞藉製清融得
其藻蔚言議津津靡見乏源尤喜為篤厚之
行而不自盛滿元美云子與性味如醞醱無
處不入余每謂之知言

荆楚吳明可給事名國倫負不羈之才好自為
悞世雖屢邁抑馱而竒篇彌出抑亦亭伯之
流也

廣陵宗子相學副名臣倜儻閭懌擗管興文殆
無留思當之者辟之小巫而見大巫便欲神
氣俱盡

吳郡王元美憲副名世貞神儀俊朗雄志邁倫
令組聯繡惟其所長其意以為兩司馬而下
勿論也假令嗣其才力豈可量哉

右五子者皆當世名士也余始與五子之徒
元美友善而明可時以中舍詣京師道經吳
郡見余所為贈元美詩遂乘扁舟訪余不遇
而去時有縣令要之不得而余亦不知明可
之嘗至至今未得接識明可也後三年而子
與以比部郎中錄囚按縣遂辱枉車騎述叙
高旨有加平生之歡比子與又云子相在閩
中每相念之明可亦秋時詣京師當復方舟
而來也今獨干鱗抗志屏跡山川阻脩元美

附錄
在青州以家難亦輒自免去淪漂燕齊之間
足惋惜耳初五子同官京師以不能苟合取
容相繼遷轉咸離隔遠至數千里或終歲乃
得問焉而余負瘵蓬室跼踖而處徃徃徒以
聲氣相吹噓尤令人歎慕深也竊又以為人
之趣舍異塗雖結髮以至白首而不相知情
意氣懸合則窮山極海儻有聞焉誰能問之
是以火井沃泉而彌烈靈鍾應霜而自鳴氣
之感也豈以其跡之相比哉是余與五子不

必盡識也撰五子述

五子詩

謝山人榛

李攀龍

謝生吾黨彥軼軻京洛陌不惜黃金去但傷朱
顏擲帝帝豈盡愚咄嗟名士籍握手金閨人中
情多所適目若營儔匹躑躅難自釋脫屣公卿
前將鬚坐其席冠蓋羅長衢染翰日相索遂令
清廟音乃在褐衣客一出遊燕篇流俗忽復易
還顧望鹿門矯矯青雲翮

徐比部中行

徐生一何俊本自青雲姿十年住天日含意多
素辭既聞風雅音三歎文在茲矯矯顧尚書
眎惠前綏念為理清曲高言唱者誰躑躅流俗
間携子不相疑時髦滿要路各謂中心私世人
豈同爾吾道欲委蛇黃金買大藥朱顏庶可持
物理率如此和光難獨窺

梁比部有譽

梁生起南海負氣何倜儻北交中原士徘徊得

吾黨高名豈宿著一朝奮鴻響時俗既清濁振
衣念獨往禮法雖為工苟促向天壤王喬可等
期服食理非枉引領環羅浮願言稅塵鞅俯視
大河流逶迤浮雲上盛衰隨物化世情自鹵莽
吾意當告誰黃金如偃仰

宗考功臣

婉婉維揚士早歲絕人識結撰有至思先民乃
遺則時俗徒噉噉此物知者得鬱鬱獨往心百
折江河力披覩他自媚我意安所測言念携手

好榮名與令德浩蕩陰陽移吾道相終極語及
千載事愀愀動顏色中懷誰可喻文章亦經國
一為麟鳳言三歎加餐食

王比部世貞

元美何翩翩夙昔秉靈異京洛多冠蓋操觚各
自媚所遇無此物識曲聽其偽大雅久沉邈時
清作者三俛仰知音稀含玆未伸意但坐奮逸
響側身向天地虛名喜誤人依依千載事浮雲
相攬持白日一高視四顧命儔匹中懷誰可致

凌厲子長氣文章此未墜

謝山人榛

徐中行

落落滄海客高視翰墨林披褐登燕臺悲風吹
我襟躑躅冠蓋間四顧營知音遙思構篇章一
一郢中吟交李道益廣救廬義何深中懷皎白
日末俗徒黃金妻子且不問况乃腥腐侵食膽
豈不苦斯文故難任茫茫四海內獨用千古心
不學蓬蒿士悠悠空陸沉

李郎中攀龍

此物孕靈造顯晦洵有神寐寔漢魏後迺復挺
斯人矯矯秉孤尚流俗誰相因直視千載前識
曲辯其真昌運幸中啓群英咸來臻玄夜昇海
日昭灼開迷津衆星何歷歷周環隨北辰遂令
同心者周旋若一身白日發高唱青天氣益振
側身望泰華可以表嶙峋

梁北部有譽。

梁生南海彥早歲握明珠滔蕩秉大節深湛思
獨殊獻賦聊薄遊偶與同好俱揚摧得真筌清
響奮天衢大雅一以振巴人空濫竽濁世多局
促中懷慘不舒振衣謝塵網逝將還舊廬增城
與羅浮僊人可等期伊余薄世戀風昔同玉趨
安得凌風翼與爾長相頡

宗考功臣

吏部信瑋傑洞識一何早岩廊豈不逢藝苑從
所好佳時美遊遨清飈灑蘭藻握手時髦前論
心感同調矩矱懷先民努力肆探討嘆息白日
馳健翮凌風矯探珠萬仞淵倏忽得至寶傷彼

擊缶徒悠悠亦空老首為金石盟海內存此道
時難交彌敦歲寒共相保

王比部世貞

元美自名家弱齡騁高步駘蕩尚書省深衷托
詞賦雅鄭難為聽聾俗多所誤寥寥韶夔音師
洵獨早悟卓犖李中郎携手即廣路騏驥意服
驥千里不反顧高歌送浮雲陰陽莽回互調笑
天地間焉知中所慕千載亦須臾寧論貴與富
惟有瓊瑤篇可以垂竹素

謝山人榛

梁有譽

矯矯被褐者江海自淪跡貧賤心所安願領豈
摧抑用拙不求羸憂在騷雅熄窮來抱影居澹
詞蘊古色耿耿烈士心更著排難力恩銜越石
徒友道不荆棘恥貸監河粟甘從於陵食俛首
問妻子汝胡饑寒逼蹈海迺何人長嘯吾自得
富貴與榮名松菌固殊域燕石誠可唾口珠盡
堪盡今古自一時鴻冥詎能弋

李郎中攀龍

大雅日已遠斯文競馳驚如何捨周鼎渙濁寶
康瓠李生奮東海深湛託毫素凌厲百代前詞
源盡傾慕智用脩綆汲道由郵輪悟繁聲盡捐
屏至樂在韶護刻商雜流徵衆耳信驚悒悠悠
復何言邛鄴躑其步浮沉將安之歲月不我顧
漢署共遨遊相期保中路瓊珮紛偃蹇美人恐
遲暮八極自揮斥先民有遺度

徐比部中行

徐子負逸氣本自吳會竒邂逅協心許在昔未

遇時夙有餐霞情空抱世網悲揆余秉微尚淇
魚傷暮知握手自高吟一一金石辭賦客盡傾
倒珠光炫陸離詞園豈浪名作者見於斯立言
多苦心河清詎可期荃蕙化為茅陳詞欲訴誰
驂乘賦已遠執戟志仍疲感彼同懷人愧魚雜
佩貽勉哉体明德歲寒良不欺

宗考功臣

吏部慷慨人早歲孰著作所得皆經竒鬱鬱濟
世略高視凌千載詞賦博竒寔結藻燦國章著

論麗丹雘感時賦長揚菁華歎昭燭龍耀天
街部屋徒螢燭復古力何雄憐才意不薄求俗
振風騷平生重然諾莫逆今昔希詞盟欣有託
古來賢達士道在後龍蠖瞻彼蕭蕭羽萬里翔
寥廓邴生宦業微懷恩向丘壑

王比部世貞

籍甚天下士王生名曰振玄成有世業江左挺
斯人早窺竹素園作賦揚馬倫新菡扣哀玉激
烈叱鬼神酒後雅吳詠俠氣陵高旻傲倪天地
間誰知肝膽親詞人久衰謝栢梁徒塵埃生也
抗高義斯道不緇磷鼎鉉期俊功揚聲天路津
豈學蓬蒿子白首徒苦辛余慚梧臺石君邁連
城珍用舍固殊轍感贈以書紳

謝山人臻

王世貞

脫屣平原客振衣燕昭臺吾人寔龍矯白日天
崔嵬廣陸奏清商悲風四垂來俯仰狎世觀一
二當中懷拯厄不顧知中介有餘諧親者無愧
親排者任其排蕭索一帚裳傲睨千古才擾擾

冠蓋徒零落青門埃

李即中攀龍

織阿出溟渤皓魄中天發列宿豈不顯杳然精
靈攝竄蜀甫也神遷竒自禹穴斯豈一世尊流
行神不沒夫子揚嘉馨千載馭飈軌思排入淵
曠象成自昭晰至理中所賞胡然見時悅夫子
乃沉淪紛紛亦奄忽六合慘淡間微生借嘘拂
並嘯倚崆峒蒼蒼極秋色上有三危露芝菌芳
膠結攀英啜其滋虹霞動靈宅却咲羨門者長

生等漸沫

徐比部中行

藹藹洵吉士產秀自天目泠泠穆風披青陽振
膏馥調氣翫時人幽懷被商曲藉甚揚瑚璉離
哉思鴻鵠諧予既以邁為歡數代燭柔條沃嘉
霖雖罷中所欲良璞困鑿錯連城謝其琢巽志
理無涖頌言重相勗

梁比部有譽

大溟湛珊瑚陸離灼叢條龍伯何神舉弱縉連

六鰲之子為國經會英奉清朝汎瀾先民蘊眷
念首陽椒內神形俱歛匪戰理自超崇賤或千
鈞貴若等逝風羅浮七十二一一摩層霄玉笈
子長往金徽予罷操

宗考功臣

伊人璫璵彥履盛無嬰躬豈鮮盈門軌匪其經
寸裏遐筭外服食凌古乃謙冲斯道苟不蕪排
衛當誰功沉淪知夜光鴻鵠高天風枉矢射彭
城逸勁飲石梁誰謂漢武廣累餽航扶桑竦

太華顛羣途杳茫茫

四懷詩

懷元美

瑯琊山上越王臺秋色高臨海色開莫向中原
看落日浮雲萬里為君來

懷明卿

豫章西望彩雲間九派長江九疊山高卧不須
窺石鏡秋風憔悴侍臣顏

懷子相

越王城上點銷魂萬里秋風動薊門君自平生
稱國七南遷豈負信陵恩

懷子與

青山忽送七閩秋大海遙連百粵流落日孤城
風雨至褰帷何處不堪愁

懷于鱗

渭水秦關天上迴使君持節馭風雷不妨萬里
魚書寄紫氣常從西極來

懷元美

六月提兵大海東書生亦作萬夫雄匣中雙劍
無顏色倒吸天河吐白虹

懷子相

九曲溪流繞幔亭峰前海色畫真真故人無限
中原思撫劍歌來祇自聽

懷子與

風塵策馬路俱迷爾得汀江似武溪花落案頭
無一事尋仙時過玉華西

懷于鱗

附錄
黃鵠秋翔太華顛坐攀僊掌撲青天乘風忽傍
東溟轉矯首扶桑帝日懸

懷明卿

鴻歸重枉豫章書不向釣天夢帝居若使府公
誇束帶便携妻子入匡廬

懷子相

越王山擁七閩秋天入東南大海收雨後虹霓
初不見何人截作釣鰲鉤

懷子與

武平之山勝武夷汀江如巴學字移但道江山
多氣色不知新著謝公詩

七子小像篇

大雅芳踪寧易追藝林寥寂人其誰一時七子
集華躅清韻珍珍萃鳳池瑯琊自晉簪纓久元
美尤稱作者手天才卓秀駕長虹武庫充充高
此斗茂秦邁迹自臨清短棹孤鉞入燕京吐咳
成攷動青紫敢持穎石擅詞盟太湖佳氣鍾琳
杰徐君子與冠西浙振藻新腴膾人口屈指瓊

瑶云奇絕子相江淮一卧龍玄珠在握玉芙蓉
英丰俊骨嗣仙采士圃而今法鉅宗歷下人豪
首東土代有名流綽堪數特立于鱗擬太山儼
然共戴一詞主梁君少小似璉瑚挾策看看薦
俊圖南海月明珠有淚婢娟夜夜泣羅浮更有
鍾山碩格才明卿鳴鳳剡門臺清狂傲世出塵
伍伯介羣公媮快哉吁嗟乎七子今邂逅當年
締嘉會文章節氣都為瑞忌者偏繁作者驕風
波頓起憑升墜信古高標率轍軻憎茲多口奈

人何春秋忽漫成往跡慷慨同心發浩歌歌誰
為為憐名况傳人世此丹青冊青易落名不落
炳炳中原萬古聲。

廣陵宗原子培甫撰

所
圖
書



所
金

天

十







所藏書